

欽定石渠寶笈續編

欽定石渠寶笈續編

第七十一

宮內等處藏二

弘德殿二

皇上御筆書畫二

御書千字文一冊

本幅粉牋本縱四寸三分橫三寸二分楷書

千字文

見乾清宮所藏
陳淳書千字文卷款

甲戌孟夏御筆鈐寶三篆暇怡情得佳趣乾隆

宸翰

鑑藏寶璽石渠寶笈所藏

御筆仿唐寅事茗圖一卷

本幅宣德牋本。縱九寸七分。橫三尺三寸五分。水墨畫遠山重疊。溪水滢洄。上有飛瀑。竹林中茅堂虛敞。堂中一人獨坐。旁有煎茶者。鑪盃咸具。林中一人方度橋來。童子抱琴隨之。并題。

記得惠山精舍裏。竹鑪淪茗綠杯持。解元文筆閒相仿。消渴何勞玉虎絲。石渠寶笈藏唐寅。

事茗圖卷。自題句云。日長何所事。茗椀自資持。
料得南牕下。清風滿鬢絲。甲戌閏夏。集餘展開。
愛其清超。因摹其意。即用原韻。題之。御筆。鈐寶。
二。乾隆。

引首

御筆 寄情事外 鈐寶 一。乾隆御筆

後幅臣工恭跋

惠山第二泉佳品。列茶譜。活火竹鑪煎。設設。
松間雨。

國文章

松風謾謾茶烟颺名泉試茗供開暢一甌春

雪詩思清携琴有客來相訪

宸遊曾品惠山泉揮毫更覺天懷曠真趣常流楮

墨間高情直在雲霄上

瑤章特與六如衣精微妙諦開蓬閣臣黃邦達敬

題鈴印一臣邦達印

開卷溢茶香墨烟颺巖前仰觀

寶翰神寫出良夜靜溪山一開淡味與清泉永六

如失粉本素帙得幽境恍憶聽松菴筠籊煮

新茗臣錢維城敬題鈴印二臣錢維城筆露

春雨高士傳遺風習俗樂門茗往往竹泉間鑪烟

浮鬢影好友抱琴來不俟主人請偶來

造化筆圖此清暇境松風遠軒櫺能令心神醒延

溪興草芽古昔邪正訂匪直間寂中述清白

畫永寅也畫自工誰為發深省臣金德瑛敬
題鈴印一臣金德瑛

惠山檀江南乳水流膏玉浥銑煮筠鑪淪茗
浮新綠

清暇御苑開靈泉依約山房葉紅瓷暇
閒摹古卷軸披圖得事茗即境妙相屬點筆

生高人煎水課童僕茶烟繞鬢絲松風吹謾
謾有客來橋東脩然遠塵俗無乃盧陸儔相

渲染妙入神六如應歛伏韻事傳絕藝自是
從訂茶錄

化二獨幾吟偶寄情古香發新韻王際華敬題鈴印二

臣際華
松牖雲牕

笑閒暇茗葉几風清興寄幽迴伯虎妙繪趣極
生靜契真賞如聞茶聲

鑒興

昔所經風景記南土見畫恍遇之造化筆可補偶臨事若圖潑墨天機舞託興

萬幾

餘靜寓溪山古原本亦清超相比珠難數卷內抱琴人母乃是陸明王蔣溥敬題鈴印二

臣蔣溥筆沾恩雨

灑落高人意森風吹君時古鑑編竹箭新火

拾松枝照眼復魚眼湘瓷更越瓷三清

天上

味桑等那能知臣汪由敦敬題鈴印二臣由

敦敬書

竹鑑山房秋雨軒高僧遺製今猶存

翠華

南巡偶至止滄甌細品八德水爰命巧匠琢

綠筠靜明園中結構新

幾餘

翰墨寄逸趣六如妙蹟摹其真南憲何人間

事若自道此中滋味永亭前激越飛瀑聲屋

外檀欒脩竹影度橋一客行扶筇玉川鴻漸

將母同烹茶童子候蟹眼楮拙緩炙生微紅

惠山古刹來仿佛展卷令人幽興發置身忽
入九龍遊清沁心脾濯毛髮聰聰謨謨松風
傳寧論人間第二泉輕塵一點飛不到但覺
滿紙皆雲烟臣裘曰脩敬題鈴印一臣裘曰

修

樹杪涼生靜試茶乳甌灩灩玉浮花山人自

愛幽居樂坐到前溪日影斜策杖何人度小
橋孤桐携得囊餘焦穎師盧老原同調一樣

松風檻外飄韻事憑將

聖製

傳三清雅試竹鑑煎悅從秋雨軒中過記得

雲章

照二泉臣嵇璜敬題鈴印二臣璜敬書

岩棲塵事清茗碗娛朝夕候火煮新泉茶烟

颺深碧環居蔭松竹開徑壑苔時有携琴


客相從門名來詩畫禪味深閒氣六如偈水

雪與雲烟

恭奉
真諦臣于敏中敬題鈴印二臣敏中印報

抒毫寓之晚甘十五鼎
鑄茶具弗亭竹塢有客扶
杖有童携琴剝啄相訪樂此素心
九龍山前
品第二泉竹鑑繼詠韻事載傳臣錢汝誠敬
題鈴印二臣汝誠

鑒藏寶壘五福五代堂古稀天子寶八徵耄念之
寶垂露經史笥石渠寶笈所藏



御臨董其昌摹蘇軾帖一軸

〔本幅〕金粟牋本。縱三寸。橫二寸五分。行書。

臨董其昌摹蘇軾書承天寺夜游事。元豐六年。

十月十二日夜。解衣欲卧。月色入戶。欣然起行。念無與樂者。遂至承天寺。張懷民亦未寢。相與步於庭中。庭中如積水。空明水中藻荇交橫。蓋竹柏影也。何處無月。何處無竹柏。但少閒人如我兩人耳。歎。

右董摹蘇帖甲戌閏月上浣御臨鈐寶二比德
朗潤

鑒藏寶璽石渠寶笈所藏。

御臨董摹蘭亭詩序一冊

一本幅金粟牋本三對幅每幅縱三寸九分橫

二寸行書

臨董其昌書蘭亭詩序

見乾清宮所藏
臨董其昌臨王羲之蘭亭

御

詩序

并米芾跋又其昌自跋 壬午八月廿

六日寶晉齋舫手裝 右唐中書令河南公

褚遂良字登善臨晉右將軍王羲之蘭亭宴

集序本朝丞相王文惠公故物辛未歲見於

晁美叔齋云借於公孫辛已歲購於公孫瓚
黃絹幅至欣字合縫用證摹刻僧字果徐僧
權合縫書也。趙吳興臨禪帖散在人間至
多余所見亦不下數十本宋高宗以唐摹蘭
亭賜太子云寫五百本方可別更他本章子
厚日臨蘭亭序一本古之學書者其功力如
此余平生不能臨十餘本雖於禪帖聚訟處
少解其會終不勝手澁顏清臣云資性劣弱

又嬰物務不能熟習迄於無成追思一言何
可復得政謂此也董其昌識款

乾隆甲戌閏月上澣御臨鈴寶三古香太玉舍
輝

後幅

御筆憶昔詩

見乾清宮所藏
思臨歐陽詢九成宮醴泉銘軸

御臨柯九

此冊臨已廿餘年偶一展玩如霧中看花憶昔
得句即書之冊尾以誌吾愧
庚子冬仲御誌

鈴寶二古稀天子猶日孜孜

鑒藏寶壘古希天子五福五代堂古稀天子寶八
徵耄念之寶石渠寶笈所藏

御筆擬古詩 一卷

本幅金粟牋本縱五寸橫八尺一寸六分小行楷書

擬古詩三十首

有序

擬古之作蓋以選辭命

意之中寓論世知人之旨曩於幾暇擬古詩十九首復倣江文通雜擬每一染翰如見古人於豪楮間今年夏山莊永晝瀏覽篇籍念自西京迄於六代才人林立緣情之什各具性靈文選

所甄菁英斯備諷詠之次輒思摹倣而衆體殊
塗興懷異趣名家麗製美不勝掇因仿文通例
各取其一聊見舉隅至四言則漢魏僅涉餘波
自必溯源風雅七言數章推輪大質欲暢斯旨
又當馳騁三唐其他單章偶見如紹統泰機輩
本未成家概從刪汰別體如東哲補亡應璩百
一鮑照數詩往歲均有專製無取複出又文通
雜擬中娵好紈扇而外別鮮流傳孫許元虛選

臺未錄。故亦畧諸。且河梁贈荅為五言。權輿醴
泉祇存都尉。茲乃首列子卿。以補其闕。綜而計
之。得三十篇。亦如文通之數。叙其梗槩。用示別
裁。以次綴篇。自娛清晏云爾。
蘇子卿贈別武

日日金馬門。相對或無語。聞君當遠行。語不盡
愁緒。乃識非傷暎。何當惜歡聚。願為並翼飛。而
之凌雲羽。之子身歷地。伊我心馳所。況子非常
人家聲。實楚楚。努力酬主知。莫繫交情苦。仰瞻

日與月東西相背處其心苟不隔合朔從堪觀
魏文帝芙蓉池作 石琳池植水華因名芙蓉
池芙蓉照水鮮其芳清襲余叶携我翰墨侶言
燕淡蕩時遵陸瑀輦陳涉川華舟隨憑軾覽嘉
禾建旄麾喬枝畢景出華星拂暑吹凉颺戰勝
倘未能佺喬安可期不如愛景光及此青年姿

曹子建白馬篇 植白馬錦連錢遙從大宛來

大宛有龍種其始出天池踔蹄善汗血珍重藏

貳師。漢使持金求遮攻反居奇。以此命廣利。期
至堅城陸。郡國惡少年數萬人。以西子辭白首。
父夫別紅顏。妻哀鳴。忘鴻雁。壯志勵熊羆。琱戈
耀日明。羽檄臨風馳。左摧陷。鮮卑右突陵。月氏
青年近億往。黃髮盈千歸。請聽天馬歌。蒲梢西
極徠。倣儻遊閭闔。權奇觀玉臺。何如獲白狼犬
戎終不隨。王仲宣從軍。衆不能安蓬華。乃復
求簪纓。食祿盡君職。此理亦易明。朝聞刁斗嚴。

明公當西征。秉羽笑懦夫。割銘本儒生。既愧主
吏蕭發蹤。功已成。兼慙留侯張坐謀。帷幄稱我
公。智勇恢安藉。贊襄仍伐檀。耻素餐。橐筆猶堪
行。問閭戒繹騷。儲胥夙充盈。津前方桂舟。河上
營蘭坳。親友遠來餞。揮去無戀情。雖云一旅勞。
所務千方寧。行看大勲就。凱歌入鄴城。莊壘花
似烟。平樂酒如澠。何必繫吾土。永言希令名。
劉公幹贈徐幹積任已無不可事君良獨難管

蒯政佔畢致身希朝端誰知動拘束禮法不為
寬譬彼鳥攫羅豈能刷羽翰與君隔豈遙數仞
之掖垣犁然限東西有情不能宣鄙人對終日
可以無一言同心而睽乖一日如三年烏亦有
翼並樹亦有枝連吁嗟我不如沉思發浩歎隨
辭冀紓憂憂乃益甚焉阮嗣宗咏懷藉歡聚
離別端繁華憔悴根富貴豈不重更有重者存
苟非喬羨質失路徒悲辛高奔連人老憂懷託

藻言

張茂先情詩華飽不知饑餒聚不知別

苦胡然琴瑟和而各秦越處月亦照我帷風亦

拂我戶怲怲撫空牀脉脉與誰語展策誦關雎

爰獲我心所

陸士衡贈弟士龍

機

友生有離

聚兄弟無西東卒然當遠別惛馬傷我衷居者

勸加餐行人囑保躬臨岐逝將分悲意填秋空

胡為鵲領原竟覲牛馬風

陸士龍答張士然

雲士固信知己微君孰與言遙遙動參商有言

曷能宣於時况行邁悠悠山復川井邑豈宿識
風俗非所便故鄉真可懷遊子吁可憐夢寐或
見君宛是樂羣年驚覺嗟索居寫恨酬斯篇

潘安仁河陽縣作岳我本志烟霞拔茅非所希
一朝荷明揚儼與諸公陪混玉既心恧妨賢亦
面怩無裨人或容豈不畏虛縻以此解組黼天
陵駕言歸東山有美林秀蔭發華滋登車偶舒
嘯臨流或賦詩弱不勝耒耜課耕常及時自謂

可終年。越畔無外思。就謂十行降。復俾百里司。
既已承明命。寧令為繭絲。此邦頗知禮。朱博治。
異齊臨水。每有悟。清之濁。非宜鈎距。我不能所。
能尚無為。登城眇廣原。阡陌綠依依。中車循鄙。
鄉薑芋。分町畦。男耕而婦織。民和訟亦稀。弦歌。
或可聽。卓魯安足期。夫子儻相過。能無笑割雞。
潘正叔贈河陽尼事君貴行道內外詎殊途。
召父及杜母。至今垂令譽。廊廟豈不佳。無稱終。

亦徒聞君一縣花與民共歡娛戶不閉深夜道
不拾通衢東山林谷幽寧復懷歸無張景陽
詠史協易稱見幾行寧以終日需醴忘穆生去
申公徒嗟吁遙遙千載下此風一何孤惟有二
疏傳高尚能繼諸十二通論語吾職不為辜官
成而不去後悔將何如公卿餞之行祖帳臨東
都高詠蟋蟀篇揮霍尋歡娛多財志損賢多財
過益愚不獨肥遯嘉卓識堪為模左太冲招

隱思青雲蓋危地窮林足安身山水不論價烟霞可養神巖阿太古室鹿豕忘憂賓松篁秦仙籟薜蘿掃俗塵天池沆瀣涵其中有錦鱗惟其不貪餌是以鮮挂絀巢許是我師涓務是我隣衡門有芳謠可以書諸紳 劉越石扶風歌

西京舊帝都扶風拱皇圖昔為繁華里今為禾黍墟金張貴既歇鄒枚文亦忽惟有金銅仙流淚辭漢月僕夫秣我馬家人送我行客途始於

此據鞍且復傳。四顧何所往。吾意方茫茫。涼秋
多悲風。偏拂征人裳。放馬靡蕪坡。散步松楸下。
拾得鄮侯名。未央前殿瓦。帝業尚如此。何況蓬
茨間。情緒填胸臆。欲語哽不言。悲傷令人老。棄
置勿復道。瞥電能幾時。成名苦不早。蠖屈以求
信。龍蟄以存身。至今西山下。幾見餓死人。利獲
害每隨。失暫得亦恒。請聽扶風歌。勸君權重輕。

盧子諒時興

謹

璿璣無停運。四序調歲籥。但

見春復秋。豈悟今非昨。百年等瞬息。石火槁頰。
若北邙有鬱栢。東海無大藥。不如愛景光。隨時
自為樂。清風動帷幌。華月蕩林薄。洗心鏡至清。
振衣踞崇嶧。天機存其真。詎因物止作。可道非
常道。希夷契冲漠。郭景純遊仙。璞仙人世常
有。所貴凌世出。燕昭及漢武。安得有仙日。東海
水。湯湯蓬萊山。萃萃元圃種。琪花神臯聳。玉室
是中煉。水碧羽化安。可必子登授。我簡云是瑤。

臺律。大隱亦甚難。只有園稱漆。何敬祖雜詩。

幼有風西南來。知是行金商。四序本遶嬪。何獨
於秋傷。草芳日以歇。樹綠日以黃。砧聲發遠村。
月色延虛堂。虛堂獨不見。迢迢憶遠行。篋我齊
紈扇。罷我越羅裳。仰瞻河鼓星。相會宛成雙。會
則其歡短。別則其愁長。陶淵明咏貧士。潜亭
屯信有命。達人安可丁。已或不介意。旁觀為惻
生。傷哉彼貧士。踽踽林中行。未火出華門。見肘

歸柴樞豈不苦饑寒嗟來羞見稱愧我誠何謂
五斗猶繫情 謝康樂遊赤石進帆海靈運撰

辰尋勝遊際斯節清和擷芳佩蘭茝窮變餐烟
霞赤石近枕海進帆凌滄波乘桴我素志况可
拾影娥朝陽神來賓元螭以馭車恬瀾導我遊
此樂信如何疑見三壺山縹緲復嵯峨溟澥雖
萬變不離一勺多終焉任虛舟泛覽窮天河

謝宣遠張子房詩

瞻

紫色及蛙聲聖王之驅除

三秦屬弗靖。有征發車徒。方舟蓋長川。組練明
廣衢。頓此項城陰。息衆且斯須。葆祠四百年。鬱
鬱松栢扶。借問祀何人。留侯神清臞。和鈴爰至
止。椒桂陳樽壺。甄陽乃在德。聖心夫豈徒。歌詩
命從官。表宅之意乎。緬想羸政虐。斯民離炭塗。
公子報韓仇。博浪中屬車。下邳契幽叟。深折乃
授書。卒為王者師。能忍蘊廟謨。蒼旻佑赤靈。龍
準德充符。伊人實贊襄。婉婉多奇謀。運籌帷幄。

中決勝千里餘功成求赤松翩飛向仙都我后
方沛公良其人則無奮藻揚休風旋顧慙嗟吁

謝法曹秋懷惠連能令人傷者夫惟值金秋

有月皆慘淡無風不颼颼載觀古之人宋玉亦
我儔當其悲來時偏塞填九州是時天宇晶絳
河見舉頭一歲纔一會感彼女與牛露立濕衣
裳幽薄螢火流竹響何颺當蛩吟復唧唧人生
百歲間駒隙難喻適一往不復還自審安為謀

英雄誇兄嫂。蘇子志已酬。買臣訶其妻。覆水難
再收。不殊鄙丈夫。馬及東陵侯。曠觀無可依。不
如事豪遊。太華傳我車。少海維我舟。却笑求仙
人。勞生終何投。顏延之始安郡懷都。延年星
斗既上懸。山河亦下列。大禹錫元圭。至今九州
別。江漢海朝宗。參衡地莫臬。謙憶子期諫。誕鄙
高唐說。我來守此邦。撫字慙心拙。去去奉明詔。
省闈班聯綴。內外亦何殊。行道宜及節。進退兩

無就俯仰一何劣於古有明訓尸祿戒位竊行
將謝華簪躬耕敦素悅鮑明遠翫月城西門
廨中照高堂漫張燈九華非夜明空庭度螢火
其光何猥瑣微蟲彼何為蘭膏有盡時何如天
上月萬古騰清輝徘徊銀漢表淡蕩玉閨時浮
雲無纖痕千里同一思宦遊多拘束束間偶遊
目隔窓散塵襟蔽櫳延清曠始聞曲發郢既命
琴抽蜀親串及友朋共此叙情睦芳夕隨地佳

何必深山曲

王琅邪荅顏延年

僧達

竊聞君

子交久敬淡如水琴音失鍾期伯牙不復理余
於五倫中忘年遇吾子崇情實師範清氣消吝
鄙惟蘭芝並馨惟鼓聲相倚敬業竹素園與研
翰墨理時當節序佳百昌向華美春山翠可望
新波綠瀾瀾載泛李杜舟言溯顏曾旨此樂何
倏忽一日三秋矣瑤篇寄遠音深詣托精擬佩
以矢弗諼荅以云如是

謝元暉直中書省

肥

委佩近彤庭。書紳依紫殿。瓦鴛散日輝。渴烏傳
漏箭。綠陰靄禁林。已有新鶯轉。當階紅藥芳。影
翻視草案。鳳池盍仙朋。豈以樗材贊。承明有直
宿。寢門違視膳。忤馬鬱吾衷。賢勞何獨見。緹組
非夙志。願託凌風翰。沈休文咏湖中雁。約春
來水滿塘。迴雁報年光。暖錦新花暖。吹穀碧浪
涼。往羽帶南雲。歸背點北霜。飛空或成群。宿浦
必以雙。兩翅依春秋。一心惟瀟湘。范彥龍古

意贈王中書。雲昔者尹與邢。磬折服中心何必
定相妬。等是侍綢衾。北海蒙知初。南皮被恩深。
遭逢都大同。光儀獨可欽。梧桐豈散木。鳳凰非
凡禽。將託萋華枝。必有雖喑音。余獨何為者。濫
竽集泮林。願言企良覲。省闈隔沉沉。任彥升
贈郭桐廬。時維舟富陽江。遲我心儀者。云是早
見候。失期乃吾也。有心悲共傾。有手歡同把。竹
柏懷三冬。冠蓋輝五馬。聚艱離每易。音衆知則

寡。後會杳茫茫。欲別還難捨。從此天一涯。有衷
向誰寫。江文通望荆山。淹桐柏襟淮原。江漢
帶荆甸。湘沅既已疏。衡巫於是奠。楚望快平生。
蠡測愧踈賤。俯仰翰墨林。唱酬風月晏。金樽亦
有醇。玉几寧無薦。中心別感傷。游賞非所戀。汨
羅淪靈均。永懷淚如霰。邱希範早發漁浦潭。
遲春水漲漁潭。朝霞起赤亭。富春深秀區。峭蒨
含餘清。置浦何淡淡。標峯盡亭亭。行春爰及時。

攬俗兼課秬。停彼錦埭車。發此鏡川舠。烟景幻
迷離。水物呈芳馨。愧無能卜居。合暫託幽情。糾
慢諒未能。卧治庶可稱。乾隆甲戌夏六月御
製并書。鈐寶三。中心止水靜。得佳趣。會心不遠。

引首

御筆。各肖其人。鈐寶一。乾隆御筆。

鑒藏寶璽。舌稀天子。正有同春。寓意於物。石渠寶
笈所藏。

御臨王羲之書樂毅論一冊

本幅宋牋本三對幅每幅縱三寸橫二寸六

分小楷書

臨樂毅論見寧壽宮所藏董其昌臨樂毅論卷

乾隆甲戌夏御臨於避暑山莊鈐寶三比德朗

潤席上珍

後幅

御製憶昔詩見乾清宮所藏御臨柯九思臨歐陽詢九成宮醴泉銘軸臣

董誥奉

勅敬書鈐印二臣誥

鑒藏寶璽古稀天子。八徵耄念之寶。五福五代堂
古稀天子寶。石渠寶笈所藏。

御臨孫虔禮書譜

一卷

本幅金粟牋本。縱五寸一分。橫八尺一寸四
分行書。書譜卷上。吳郡孫過庭撰。夫
自古之善書者。漢魏有鍾張之絕。晉末稱二
王之妙。王羲之云。頃尋諸名書。鍾張信為絕
倫。其餘不足觀。可謂鍾張云歿。而羲獻繼之
又云。吾書比之鍾張。鍾當抗行。或謂過之。張
草猶當雁行。然張精熟。池水盡墨。假令寡人

耽之若此。未必謝之。此乃推張邁鍾之意也。考其專擅。雖未果於前規。撫以兼通。故無慚於即事。評者云。彼之四賢。古今特絕。而今不逮古。古質而今妍。夫質以代興。妍以俗易。雖書契之作。適以記言。而淳醜一遷。質文三變。馳騫沿革。物理常然。貴能古不乖時。今不同弊。所謂文質彬彬。然後君子。何必易雕宮於穴處。反玉輅於椎輪者乎。又云。子敬之不及。

逸少猶逸少之不及鍾張意者以為評得其
綱紀而未詳其始卒也且元常專工於隸書
伯英尤精於草體彼之一美而逸少兼之擬
草則餘真比真則長草雖專工小劣而博涉
多優總其終始匪無乖互謝安素善尺牘而
輕子敬之書子敬嘗作佳書與之謂必存錄
安輒題後答之甚以為恨安嘗問敬卿書何
如右軍答云故當勝安云物論殊不爾子敬

又答時人那得知敬雖權以此辭折安所鑒
自稱勝父不亦過乎且立身揚名事資尊顯
勝母之里曾參不入以子敬之豪翰紹右軍
之筆札雖復麤傳楷則實恐未克箕裘况乃
假托神仙耻崇家範以斯成學孰愈面牆後
羲之往都臨行題壁子敬密拭除之輒書易
其處私為不惡羲之還見乃歎曰吾去時真
大醉也敬乃內慙是知逸少之比鍾張則專

博斯別子敬之不及逸少。無惑疑焉。余志學之年。留心翰墨。味鍾張之餘烈。挹羲獻之前規。極慮專精。時逾二紀。有垂入木之術。無聞臨池之志。觀夫懸針垂露之異。奔雷墜石之奇。鴻飛獸駭之資。鷹舞蛇驚之態。絕岸頽峯之勢。臨危據槁之形。或重若奔雲。或輕如蟬翼。導之則泉注。頓之則山安。纖纖乎似初月之出。天涯落落乎猶衆星之列河漢。同自然

之妙有。非力運之能成。信可謂智巧兼優。心
手雙暢。翰不虛動。下必有由。一畫之間。變起
伏於鋒杪。一點之內。殊衃挫於豪芒。況云積
其點畫。乃成其字。曾不傍窺尺牘。俯習寸陰。
引班超以為辭。援項籍而自滿。任筆為體。聚
墨成形。心昏疑效之方。手迷揮運之理。求其
妍妙。不亦謬哉。然君子立身務修。其本揚雄
謂詩賦小道。壯夫所不為。況復溺思毫釐。淪

精翰墨者也。夫潛神對弄，猶標坐隱之名，樂志垂綸，尚體行藏之趣。詎若功定禮樂，妙擬神仙，猶埏埴之罔窮，與工鑪而並運。好異尚奇之士，翫體勢之多方，窮微測妙之夫，得推移之真蹟，著述者假其糟粕，鑒者挹其菁華，固義理之會歸，信賢達之兼擅者矣。存精遇賞，豈徒然與？而東晉士人，互相陶淬，至於王謝之族，郗庾之倫，縱不盡其神奇，咸亦挹

其風味去之滋永。斯道逾微。方復聞疑。稱疑
得末。行末。古今阻絕。無所質問。設有所會。絨
秘已深。遂令學者茫然。莫知領要。徒見成功
之美。不悟所致之由。或乃就分布於累年。向
規矩而猶遠。圖真不悟。習草將迷。假令薄解
草書。嚴傳隸法。則好溺偏固。自閼通規。詎知
心手會歸。若同源而異派。轉用之術。猶共樹
而分條者乎。加以超變適時。行書為要。題勒

方富真乃居先草不兼真殆於專謹真不通
草殊非翰札真以點畫為形質使轉為情性
草以點畫為情性使轉為形質草乖使轉不
能成字真虧點畫猶可記文迴互雖殊大體
相涉故亦旁通二義俯貫八分包括篇章涵
泳飛白若豪釐不察則胡越殊風者焉至如
鍾繇隸奇張芝草聖此乃專精一體以致絕
倫伯英不真而點畫狼籍元常不草使轉縱

橫。自茲以降。不能兼善者。有所不逮。非專精也。雖篆隸草章工用多變。濟成厥美。各有攸宜。篆尚婉而通。隸欲精而密。草貴流而暢。章務險而便。然後凜之以風神。溫之以妍潤。鼓之以枯勁。和之以閒雅。故可達其性。情形其哀樂。驗燥濕之殊節。千古依然。體老壯之異時。百齡俄頃。嗟乎。不入其門。詎窺其奧者也。又一時而書。有乖有合。合則流媚。乖則彫疎。

畧言其由。各有其五。神怡務閒一合也。感惠
徇知二合也。時和氣潤三合也。紙墨相發四
合也。偶然欲書五合也。心遽體留一乖也。意
違勢屈二乖也。風燥日炎三乖也。紙墨不稱
四乖也。情怠手闌五乖也。乖合之際。優劣互
差。得時不如得器。得器不如得志。若五乖同
萃。思遏手蒙。五合交臻。神融筆暢。暢無不適。
蒙無所從。當仁者得意忘言。罕陳其要。企學

者希風叙妙。雖述猶踈。徒立其工。未數厥旨。不揆庸昧。輒效所明。庶欲宏既往之風。規導將來之器識。除繁去濫。覩迹明心者焉。代有筆陣圖七行中書執筆圖手貌中外點畫湮訛頃見南北流傳疑是右軍所製雖則未詳真偽尚可發啟童蒙既常俗所存不籍編錄至於諸家勢評多涉浮華莫不外狀其形內迷其理今之所撰亦無取焉若乃師宜官之

高名徒彰史牒。邯鄲淳之令範。空著縑緡。暨
乎崔杜以來。蕭羊以往。代祀縣遠。名氏滋繁。
或籍甚不渝。人亡業顯。或憑附增價。身謝道
衰。加以縻蠹不傳。搜秘將盡。偶逢絨賞。時亦
罕窺。優劣紛紜。殆難覲縷。其有顯間當代。遺
蹟見存。無俟抑揚。自標先後。且六文之作。肇
自軒轅。八體之興。始於嬴政。其來尚矣。厥用
斯宏。但今古不同。妍質懸隔。既非所習。又亦

畧諸。復有龍蛇雲露之流。龜鶴花英之類。乍
圖真於率爾。或寫瑞於當年。巧涉丹青。工虧
翰墨。異夫楷式。非所詳焉。代傳義之與子敬。
筆勢論十章。文鄙理疎。意乖言拙。詳其旨趣。
殊非右軍。且右軍位重才高。調清詞雅。聲塵
未泯。翰牘猶存。觀夫致一書。陳一事。造次之
際。稽古斯在。豈有貽謀令嗣。道叶義方。章則
頌虧。一至於此。又云與張伯英同學。斯乃更

彰虛誕。若指漢末伯英時代全不相接。必有
晉人同號。史傳何其寂寥。非訓非經。宜從集
擇夫心之所達。不易盡於名言。言之所通。尚
難形於紙筆。麤可髣髴其狀。網紀其辭。冀酌
希夷。取會佳境。闕而未逮。請俟將來。今撰執
使用轉之由。以祛未悟。執謂深淺長短之類
是也。使謂縱橫牽掣之類是也。轉謂鈎環盤
紆之類是也。用謂點畫向背之類是也。方復

會其數法。歸於一途。編列衆工。錯綜羣妙。舉
前賢之未及。啟後學於成規。窮其根源。析其
枝派。貴使文約理贍。迹顯心通。披卷可明。下
筆無滯。詭辭異說。非所詳焉。然今之所陳。務
裨學者。但右軍之書。代多稱習。良可據為宗
匠。取立指歸。豈惟會古通今。亦乃情深調合。
致使摹搨日廣。研習歲滋。先後著名。多從散
落。歷代孤紹。非其效歟。試言其內。畧陳數意。

止如樂毅論黃庭經東方朔畫讚太師箴蘭亭集序告誓文斯並代俗所傳真行絕致者也寫樂毅則情多怫鬱書畫讚則意涉瑰奇黃庭經則怡懌虛無太師箴又縱橫爭折暨乎蘭亭興集思逸神超私門誠誓情拘志慄所謂涉樂方笑言哀已歎豈惟駐想流波將貽嘽暖之奏馳神睢渙方思藻繪之文雖其目擊道存尚或心迷意外莫不强名為體共

習分區。豈知情動形言。取會風騷之意。陽舒
陰慘。本乎天地之心。既失其情理。乖其實原。
夫所致。安有體哉。夫運用之方。雖由已出。規
模所設。信屬目前。差之一豪。失之千里。苟知
其術。適可兼通。心不厭精。手不怠熟。若運用
盡於精熟。規矩嫻於習禱。自然容與徘徊。意
先筆後。瀟灑流落。翰逸神飛。亦猶宏羊之心。
預乎無際。庖丁之目。不見金牛。嘗有好事就

吾求習吾乃麤舉綱要隨而授之無不心悟
手從言忘意得縱未窮於衆術斷可極於所
臨矣若思通措則少不如老學成規矩老不
如火思則老而愈妙學乃少而可勉勉之不
已抑有三時時然一變極其分矣至如初學
分布但求平正既知平正務追險絕既能險
絕復歸平正初謂未及中則過之後乃通會
通會之際人書俱老仲尼云五十知命也七

十從心故以達夷險之情體權變之道亦猶
謀而後動動不失宜時然後言言必中理矣
是以右軍之書末年多妙當緣思慮通審志
氣和平不激不厲而風規自遠子敬以下莫
不鼓努為力標置成體豈獨工用不侔亦乃
神情懸隔者也或有鄙其所作或乃矜其所
運自矜者將窮性域絕於誘進之塗自鄙者
尚屈情涯必有可通之理嗟乎蓋有學而不

能未有不學而能者也。考之即事，斷可明焉。然消息多方，性情不一，乍剛柔以合體，忽勞逸而分驅，或恬憺雍容，內涵筋骨，或折挫槎枿，外曜鋒鏑。察之者尚精，擬之者貴似。況擬不能似，察不能精，分布猶疎，形骸未檢，躍泉之態未覩，其妍窺井之談已聞，其醜縱欲唐突義獻，誣罔鍾張，安能掩當年之目。杜將來之口，慕習之輩尤宜慎諸。至有未悟淹留，偏

追勁疾不能迅速。翻效遲重。夫勁速者超逸之機。遲留者賞會之致。將反其速。行臻會美之方。專溺于遲。終無絕倫之妙。能速不速。所謂淹留。因遲就遲。詎名賞會。非夫心閒手敏。難以兼通者焉。假令衆妙攸歸。務存骨氣。骨氣存矣。而適潤加之。亦猶枝幹扶疎。凌霜雪而彌勁。花葉鮮茂。與雲日而相輝。如其骨立偏多。適麗蓋少。則苦枯槎架險。巨石當路。雖

妍媚云闕。而體質存焉。若通麗居優。骨氣將
劣。譬夫芳林落蕊。空照灼而無依。蘭沼漂萍。
徒青翠而奚託。是知偏工易就。盡善難求。雖
學宗一家。而變成多體。莫不隨其性欲。便以
為姿。質直者則徑挺不道。剛狠者又崛強無
潤。矜斂者弊于拘束。脫易者失於規矩。溫柔
者傷于軟緩。躁勇者過于剝迫。狐疑者溺于
滯澁。遲重者終於蹇鈍。輕瑣者染於俗吏。斯

皆獨行之士。偏翫所乖。易曰。觀乎天文。以察
時變。觀乎人文。以化成天下。況書之為妙。近
取諸身。假令運用未周。尚虧工於祕典。而波
瀾之際。已濬發於靈臺。必能旁通點化之情。
博究始終之理。鎔鑄蟲篆。陶鈞草隸。體五材
之並用。儀刑不極。象八音之迭起。感會無方。
至若數畫並施。其形各異。衆體齊列。為體互
乖。一點成一字之規。一字乃終篇之準。達而

不犯和而不同留不常遲遣不恒疾帶燥方
潤將濃遂枯泯規矩於方圓遁鈎繩之曲直
乍顯乍晦若行若藏窮變態于豪端合情調
於紙上無間心手忘懷楷則自可背羲獻而
無失違鍾張而尚工譬夫絳樹青琴殊姿共
艷隋珠和璧異質同妍何必刻鶴圖龍竟慙
真體得魚獲兔猶怯筌蹄聞夫家有南威之
容乃可論於淑媛有龍泉之利然後議於斷

割語過其分實累樞機吾嘗靜思作書謂為甚合時稱識者輒以引示其中巧麗曾不留目或有誤失翻被嗟賞既昧所見尤喻所聞或以年職自高輕致陵誚余乃假之以紉縹題之以古目則賢者改觀愚夫繼聲競賞豪末之奇罕議鋒端之失猶患侯之好偽似葉公之懼真是知伯子之息流波盖有由矣夫蔡邕不謬賞孫陽不妄顧者以其元鑒精通

故不滯于耳目也。向使竒音在嬰庸聽驚其
妙響逸足伏檻。凡識知其絕羣則伯喈不足
稱。良樂未足尚也。至若老姥遇題扇初怨而
後請門生護書。凡父削而子慎。知與不知也。
夫士屈於不知已而伸於知己。彼不知也。曷
足怪乎。故莊子曰。朝菌不知晦朔。蟪蛄不知
春秋。老子云。下士聞道大笑之。不笑之則不
足以為道也。豈可執冰而咎夏蟲哉。自漢魏

以來論書者多矣。妍蚩雜糅。條目糾紛。或重述舊章。了不殊於既往。或句興新說。竟無益於將來。徒使繁者彌繁。闕者仍闕。今撰為六篇。分成兩卷。第其工用。名曰書譜。庶使一家後進。奉以規模。四海知音。或存觀省。緘祕之旨。余無取焉。垂拱三年。寫記。

御識

孫過庭書譜真蹟。向藏石渠寶笈。乾隆丁卯。摹

刻三希堂帖中。墨蹟自漢代伯英以下。闕百有七十二字。心不厭精。以下闕三十字。入石時不為補之者。存其真也。甲戌秋。行在幾簡。唯以臨池遣日。適得金粟因。縮臨此本。其闕文從宋刻增入。脫誤處悉為更正。取便觀覽。至用筆結體。雖不沾沾肖似。政亦未失風規。蓋臨書如擬古。固不可襲貌遺神。更不當神貌兩失也。御筆再記。鈐寶四。比德朗潤。幾暇怡情。三希堂。

引首

御筆 神融妙合 鈐寶一乾隆御筆

鑒藏寶璽古稀天子日監在茲典學勤政石渠寶笈所藏

御筆夷齊廟四景圖 一卷

〔本幅〕宣德牋本。縱九寸七分。橫三尺五寸五分。水墨畫夷齊廟通景并題。

令支讓國先延陵。孫竹誰知中子名。太白一篇

真卓識。淮南尺布獨何情。

右孫竹成

堂名捐遜是

誰題。回跖評量語不稽。遷也亦知天道否。千秋

尸祝屬夷齊。

右捐遜堂

清風臺畔屈蟠松。偃折盤

盤翠。越濃高詠西山采薇句。果然無碍後凋逢。

右屈
蟠松

灤水迴環曲抱洲崇臺百尺枕清流喬

松古籟拂衣落快與前賢共唱酬

右清
風臺

乾隆

甲戌冬過灤州謁夷齊廟因題四景並為之圖

鈐寶二德充符幾暇怡情

引首

御筆 清風宛在。鈐寶一乾隆御筆

後隔水

御製癸亥夷齊廟詩并序

盧龍孤竹城。夷齊廟在焉。史稱夷齊恥食周粟
餓死首陽。詩云采苓采苓首陽之巔。疏謂在河
南蒲坂。而莊子則曰首陽山在岐山西北。曹大
家云在隴西。元和郡國志謂首陽山在河南偃
師。說文又謂在遼西。則是首陽凡五。各有證據。
而其為夷齊餓死之處則一也。將孰之從。惟遼
史所載營州隣海軍下刺史本商孤竹國。今之
盧龍即遼營州地也。爾雅所舉孤竹北戶注謂

孤竹在北周時幅員不廣其以此處為極北固
宜然則說文所謂首陽山在遼西者此為近之
殆以詩在唐風而叩馬而諫當武王伐紂之時
由是岐隴蒲偃皆附會其說耳夫夷齊清風在
天下何處非首陽豈爭疆域乎冕旒而墨胎以
祀者尤非其志因係以詩而考其說如此軒
冕沉淖是本腸肯容儒雅污冠裳薇苓依舊西
山姑頑懦羞登夫子堂只為心慙踪異武敢將

口實罪歸湯。豈爭隴右還蒲左。天下清風盡首

陽。臣錢汝誠奉

勅敬書鈐印。臣誠敬書

後幅。臣工恭題。

孤竹兩逸民。落落標芳踪。孝弟炳今古。大義

命駐六龍。登堂仰廟貌。冠佩何雍容。辨香連肝膽。

和氣生襟冬。定眺故城址。摩挲時下書。清曉
鏗鏘至。虬枝宛垂虹。屈曲如盤折。擬與揖遜
同。采薇歌已逸。勝蹟餘荒叢。懷賢再三歎。穆
然感

清表輝臺展素幅一一摹高風周情與孔思復託
篇翰中

鴻筆扛萬象
妙墨儼化工日月並光耀黛色含諸峯即於圖畫

裏千載遊黃農頌使聖者清生面如再逢何
有兩侯爵陋彼宗室封臣將溥敬題鈐印二

清蹕關山列嶂重偏從讓國湖遺封依稀雉堞傳

孤竹鬱屈虬枝認古松堂敞霜寒風蕭蕭臺
臨驛峭水溶溶低徊勝蹟留

天藻史筆龍門句裡逢臣汪由敦敬題鈐印二臣
由敦敬書

景行芳躅世所同首陽名山約城中疑耶信
耶不足辨總教天下傳清風風誦

宸章開斯義重瞻
寶繪圖其意分題雅詠發光參差樹石含生氣

山城古廟臨高臺。一掬寒泉祀墨胎。藏歌古
香迤邐連。松濟設設清音來。連西山水多奇

特編寄真賞標遺蹟

聖人制作不偶然。要使碩庶而懦立。蒼茫遠色自

高深。縹素雲烟照古今。妙將董巨荆關法。傳
出黃農虞夏心。臣嵇璜敬題鈴印二。臣璜敬

書

鷹旗成小駐。十二列龍宿。即境微幽賞。奇懷見昔

人。黃虞歌既遯。圖繪景重新。臺作寒秋色。松

呈太古身。虛堂傳揖讓。孤蝶俯嶙峋。浩淼滌

河水。蒼茫翰海塵。墨胎存伯叔。姬室各君臣。

藏藏情何極。塤麓意並真。遺風猶起懦。本志

在求仁。前度

留題舊茲來。點筆頻聖人。師百世

宸翰挽千鈞。組豆從今歲。遊哉兩逸民。臣表曰修

敬題鈴印二。臣表曰修敬書

首陽何高高，直上峯巒峒。
茲盤桓，捐讓有餘慕。
蘇卿以當朝，餐求仁而得仁。
今墨胎墟，遺蹟供覽觀。
彈丸堂前草，芊緜臺下松。
環堵蕭然安，屈靖惟此一故宮。

時巡

偶駐蹕，憑眺宇宙寬。
難元氣，符化工一一歸。
瀚灤水，湖清風拂天。
中敬題鈴印二，臣敏中敬書。

天藻

繪出萬古清，高風想見孤竹城。
生色老松瘦石俱，淨際龍門列傳首。
敘述證

皇點

筆最神妙，得

聖益

彰真殊榮，西山北海抱苦節。
鳴祠廟，猶餘庶立意，邱壑並深仁。
伯堽叔荒，迺和

揮灑更與流芳名首陽幸有此奇遇烟霞頓覺開

元精

眺吟撫景發潛德興國熙耀垂昇平臣董邦達敬

題鈴印二臣邦達染翰

子振戰爭日高尚有遺氓至今層臺上落落

松風橫丈王與秦伯至德符休稱惜哉孟津

會左右乃欲兵豐水豈不仕孤竹亦有城大

節炳天壤何必逃其名

東巡過祠廟鑒此黃農情

鴻筆標四景辭繪誠雙清崇山既增色襟水如聞

聲青雲亮再附千古懷景行臣錢維城敬題

鈴印二臣錢維城筆沾春雨

襟水遠層岡古蹟傳孤竹清為百世師傳

潭尋遺蹟景物紀

篇章雲烟圖尺幅蕭瑟堂臺間松竹響猶聞風

造化尚欲興仰止因觸目乃知
機即事妙化俗古人如有心黃虞今已復臣

金德瑛敬題鈐印二臣金德瑛葵心向日

鷹輅重經餘慨慕盡收芳躅入夢中曾煥
宸章論首陽更使遺蹟盡傳揚不教腐史窺天道

聖王隆過千秋有
依約崇臺風景清虬松盤鬱翠長榮


天工點染真高絕寫出西山萬古情臣王際華敬
題鈐印二臣際華

虞龍塞北海陽雲回星罕晦朝烏言尋墨胎
蹟未蕪清風一徑孤竹趨臺高堂古松盤扶

帝嘉遊尚周覽紆各歲以句繪以圖
仙豪逸行兩絕殊史筆達過龍門鋪

聖作物觀茲信乎千載而下遺黃虞西山藏藏應
知無臣錢汝誠敬題鈐印二臣誠敬書

鑒藏寶璽五福五代堂古稀天子寶八徵耄念之
寶吟詠春風裏落紙雲烟含豪逸然游六藝圃
得句因新意石渠寶笈所藏



御臨蘇軾墨妙亭詩帖 一卷

本幅宋牋本。縱六寸。橫二尺八寸五分。行書。

蘭亭繭紙入昭陵。世間遺蹟猶龍騰。顏公

變法出新意。細筋入骨如秋鷹。徐家父子亦

秀絕。字外出力中藏稜。嶧山傳刻典刑在。千

載筆法留陽冰。杜陵評書貴瘦硬。此論未公

吾不憑。短長肥瘠各有態。玉環飛燕誰敢憎。

吳興太守真好古。購買斷缺揮絳繒。龜趺入

座螭隱壁空齋畫靜閒登登竒蹤散出走吳
越勝事傳說誇友朋書來乞詩要自寫為把
栗尾書谿藤後來視今猶視昔過眼百世如
風燈他年劉郎憶賀監還道同時須伏膺

蘇軾孫莘老墨妙亭詩帖甲戌冬十月既望御
臨於三希堂鈐寶三乾隆宸翰南水月在手妙
意寫清快

引首

御筆 得其環中 鈐寶一 乾隆宸翰

鑒藏寶璽石渠寶笈所藏

御臨蘓軾檀木帖 一卷

本幅宣紙本。縱一寸四分橫七寸五分行書。

臨蘓軾檀木帖。

見寧壽宮所藏蘇軾書杜甫檀木詩卷款

甲戌冬御臨鈐寶二比德朗潤。

引首

御筆 岷峨景趣 鈐寶一 乾隆宸翰

鑒藏寶璽 石渠寶笈所藏

御臨董其昌書陶潛謝靈運詩 一卷

本幅素箋本。縱二寸。橫二尺五寸六分。行書。

臨董其昌書陶潛謝靈運詩。見淳化軒所藏董其昌書陶潛謝靈運

詩款

甲戌冬御臨鈐寶三中心止水靜德克符會心
不遠

引首

御筆 思與同遊 鈐寶一 乾隆宸翰

鑒藏寶璽石渠寶笈所藏

御臨蘇軾後赤壁賦 一冊

〔本幅宋牋本三對幅每幅縱三寸一分橫二寸一分小行書〕

臨蘇軾後赤壁賦

見乾清宮所藏宋高宗書款馬和之畫後赤壁賦圖卷

甲戌嘉平上澣臨於三希堂御筆鈐寶二樂暇

怡情得佳趣

鑒藏寶璽石渠寶笈所藏

御臨董其昌書蘇軾十八羅漢頌一卷

〔本幅宣紙本。縱三寸一分。橫二尺五寸八分。〕
行書。

臨董其昌書蘇軾十八羅漢頌。十八大阿羅漢
頌第一尊者結趺正坐。寶奴側立。有鬼使者
稽顙於前侍者。取其書通之頌曰。月明星稀
孰在孰亡。煌煌東方。惟有啟明。咨爾上座。及
阿闍梨。代佛出世。惟大弟子第二尊者合掌。

趺坐。蠻奴捧牘于前。老人發之中有琉璃器。
貯舍利子十數。頌曰佛無滅生通塞在人。墻
壁瓦礫誰非法身尊者。斂手不起於座。示有
敬耳。起心則那。第三尊者扶烏木養和正坐。
下有白沐猴獻果侍者。執盤受之。頌曰我非
標人人莫吾識。是雪衣者豈具眼隻。方食知
獻何愧于猿。為語柳子勿憎王孫。第四尊者
側坐。屈三指。答胡人之問。下有蠻奴捧函。童

子戲捕龜者。頌曰。彼問云何計數以對。為三
為七。莫有知者。雷動風行。屈信指間。汝觀明
月。在我指端。第五尊者。臨淵濤。抱膝而坐。神
女出水中。蠻奴受其書。頌曰。形與道一。道莫
不在。天宮鬼府。奚往而碍。婉彼奇女。躍於瀛
瀛。神馬尻興。攝衣從之。第六尊者。右手支頤。
左手拊穉獅子。顧視侍者。擇瓜而剖之。頌曰。
手拊雛猓。目視瓜獻。甘芳之意。若達於面。六

塵並入心亦徧知。即此知者為大摩尼。第七
尊者臨水側坐。有龍出焉吐珠。其手中胡人
持短錫杖。蠻奴捧鉢而立。頌曰。我以道眼為
傳法宗。爾以願力為護法。龍道成頭滿。見佛
不忤。盡取玉函。以畀思邈。第八尊者並膝而
坐。加肘其上。侍者汲水過前。有神人涌出於
地。捧盤獻寶。頌曰。爾以捨來。我以慈受。各獲
其心。實則誰有視我。如爾取與。則同我爾福。

德如四方空。第九尊者。食已撲鉢。持數珠誦咒而坐。下有童子。搆火具茶。又有埋筒注水蓮池中者。頌曰。飯食已畢。撲鉢而坐。童子茗供。吹簫發火。我作佛事。淵乎妙哉。空山無人。水流花開。第十尊者。執經正坐。有仙人侍女焚香於前。頌曰。飛仙玉潔。侍女雲渺。潛首炷香。欲問至道。我道大同。有覺無修。豈不長生。非我所求。第十一尊者。趺坐焚香。侍者拱手。

胡人捧函而立頌曰前聖後聖相喻以言口
如布穀而意莫傳鼻觀寂如諸根自利孰知
此者一炷千偈第十二尊者正坐入定枯木
中其神騰出於上有大蟒出其下頌曰默坐
者形空飛者神二俱非是孰為此身佛子何
為懷毒不已願解此相問誰縛汝第十三尊
者倚杖垂足側坐侍者捧函而立有虎過前
有童子怖遁而竊窺之頌曰是與我同不竺

其妃一念之差墮此鬘鬘道師慈愍為爾顰
嘆以爾猛烈復性不難第十四尊者持鉢鈴
杵正坐誦咒侍者整衣於右胡人橫短錫跪
坐於左有虬一角若仰訴者頌曰彼髯而虬
長跪自言特角亦米身移怨存以無言音誦
無說法風止火滅無相仇者第十五尊者鬚
眉皆白袖手趺坐胡人拜伏於前蠻奴手持
拄杖侍者合掌而立頌曰聞法最先事佛亦

久耄然衆中是大長老薪水并曰老矣不能
摧伏魔軍不戰而勝第十六尊者橫如意跌
坐下有童子發香篆侍者注水花盆中頌曰
盆花浮紅篆烟繚青無問無答如意自橫點
瑟既希回琴不鼓此間有曲可歌可舞第十
七尊者臨水側坐仰觀飛鶴其一既下集矣
侍者以手拊之有童子提竹籃取果實投水
中頌曰引之茫茫與鶴皆翔歲之幽深與魚

皆沈大阿羅漢入佛三昧俯仰之間再拊海
外第十八尊者植拂支頤瞪目而坐下有二
童子破石榴以獻頌曰植拂支頤寂然跏趺
尊者所游物之初耶聞之於佛及吾子思名
不用處是木發時子瞻壬戌四月十七日其

昌款

甲戌嘉平上澣臨於長春書屋御筆鈐寶四澂
觀比德朗潤會心不遠

引首

御筆 禪悅神通 鈐寶一
乾隆宸翰
鑒藏寶璽石渠寶笈所藏

御筆墨梅 一卷

本幅金粟牋本。縱三寸八分。橫一尺一寸八分。水墨畫梅花一枝。款。

甲戌嘉平小除夕。仿楊補之法。於三友軒。鈐寶
三。發墨。幾暇怡情。得佳趣。

引首

御筆 一枝春信 鈐寶一 乾隆宸翰

鑒藏寶璽吉希天子天恩八旬寓意於物用筆在

心正有同春清吟寄遐思石渠寶笈所藏。

御臨蘇軾中山松醪賦 一冊

本幅金粟牋本三對幅每幅縱三寸五分橫

二寸四分行書


臨蘇軾中山松醪賦

見養心殿所藏
臨蘇軾中山松醪賦卷
御款

右蘇軾中山松醪賦甲戌嘉平御臨鈐寶二得

佳趣幾暇怡情

鑒藏寶璽石渠寶笈所藏



御臨蘭亭詩序一冊

本幅宋版本二對幅每幅縱二寸八分橫二寸一分小行楷書

臨蘭亭詩序帖

見

乾清宮所藏其昌臨王羲之蘭亭詩序冊

御臨董款

乾隆乙亥春月臨於養心殿之長春書屋御筆
鈐寶二比德朗潤

後幅

御製憶昔詩

見

乾清宮所藏思臨歐陽詢九成宮醴泉銘軸

御臨柯九

臣

董誥奉

勅敬書鈐印二臣誥

鑒藏寶璽古希天子八徵耄念之寶石梁寶笈所
藏

御臨宋四家帖 一冊

〔本幅金粟牋本〕四對幅每幅縱二寸六分橫一寸六分小行書

臨蔡襄蘇軾黃庭堅米芾帖 襄得足下書極思詠之懷。在杭留兩月。今方得出關。歷賞劇醉。不可勝計。三春之盛事也。知官下與郡侯情意相通。此固可樂。唐侯言五白。今歲為游閨所勝。大可怪也。初夏時景清和。願君侯自壽。

為佳。通理當世屯田足下襄頓首大餅極珍
物青甌微粗臨行恣恣致意不周恚 襄再
拜。遠蒙遣信至都彼奉教約感載之至彥範
或聞已過南部。旦夕當見青社雖號名藩然
交游殊思君侯之還也。麗正之拜禁林有嫌
馮當世獨以金華召亦不須玉堂惟此之望
霜風薄寒伏惟愛重不宣。 軾啟新歲未獲
展慶祝頌無窮稍晴起居何如數日起造必

有遲何日果可入城。昨日得公擇書。過上元
乃行計。月末間到此。公亦以此時來如何。如
何竊計上元起造。尚未畢工。軾亦自不出。無
緣奉陪夜游也。畫籠旦夕附陳隆船去。次今
先附扶劣膏去。此中有一鑄銅匠。欲借所收
建州木茶臼子并椎。試令依樣造看。兼適有
閩中人便。或令看過。因往彼買一副也。乞暫
付去人。專愛護便納上。餘寒乞保重。冗中恕

不謹軾再拜季常先生丈閣下正月二日

庭堅頓首辱教審侍奉萬福為慰承讀書綠
陰頗得閑樂甚善甚善欲為素兒錄數十篇
妙曲作樂尚未就爾所送紙太高但可書大
字欲若小行書須得矮紙乃佳適有賓客奉
答草率庭堅頓首立之承奉足下刻絲紗
一疋漫以餞行輕貽甚愧又二墨送換得貴
其長大學文也如來日不早解舟即走奉別

不須具飯。却欲到惠林飯也。希召都監左藏
仁執庭堅頓首。上經宿伏惟安勝。聞有摹本
捕魚圖。暫借庭誨監簿。庭堅頓首。希燕徒
如禁旅嚴肅。過州郡兩人並行寂無聲。功皆
省。三日先行。蒙張都大鮑提倉呂提舉壕寨
左藏皆以為諸邑第一功夫。想聞左右。若得
此十二萬夫自將可勒賀蘭。不妄不妄。希皇
恐。昨日陳攬戢戢之勝。鹿得鹿宜俟之。已

約束後生同人莫不用煩他人也軫之只如
平生十官如到部未緣面見欲罄伸區區也
芾頓首再拜 芾頓首啟經宿尊候沖勝山
試納文府且看芭山暫給一視其背即定交
也少頃勿復言芾頓首款

乙亥春日御臨鈐寶二比德朗潤

鑒藏寶璽古希天子八徵耄念之寶石渠寶笈所
藏。

御臨米芾詩帖一卷

本幅金粟箋本。縱一寸四分。橫六寸三分。行書。

臨米芾詩帖二則。入境寄集賢林舍人。揚帆

載月遠相過。佳氣葱葱聽誦歌。路不拾遺知政肅。野多滯穗是時和。天分秋暑賢吟興。晴獻溪山入醉哦。便捉蟾蜍共研墨。綵箋書盡翦江波。重九會郡樓。山清氣爽九秋天。


黃菊紅茱滿泛船。千里結言寧有後。羣賢畢至猥居前。杜郎閑客今焉是。謝守風流古所傳。獨把秋英緣底事。老來情味向詩偏。款

襄陽書法。津逮李北海。近代能入其室。惟張照一人耳。而惜已即世。不得以此語證之。乙亥春月。御識鈐寶二。比德朗潤。

引首

御筆。晉人格轍。鈐寶一。乾隆宸翰。

鑒藏寶璽石渠寶笈所藏



御臨王羲之帖 一冊

本幅宣紙本。八幅。縱五寸。橫七寸二分。草書。
徂暑感懷深。得書。但知足下故頓乏食。差
不耿耿。吾故爾耳。未果為結力。不具。王羲之。
月半念足下窮。思深至不可居。忍雨濕體。
氣各何如。叅軍得針灸力。不甚懸情。當深寬
割。晴通省苦遣。不具。王羲之白。長素差不
懸耿。不大佳也。得敬豫九日問。故進退憂之。

深 知念許君與足下意政同。但今非致言
地。甚勅勅。亦不知范生以居職未。以卿亦輒
便及之。吾尚不能惜小節目。但一開無解已。
又亦終無能為益。適足為煩。足下呼爾不。
每念長風不可居。忍昨得其書。既毀頓。又
復壯溫。深可憂。謝生多在山。不復見。且得
書。疾惡冷耿耿。想數知問。雖得還。不能數可。
歎。初月二日。羲之頓首。忽然今年感。兼傷。

痛切心。奈何奈何。念君哀窮不已。義之皇恐。
足下時事少可數。來主人相尋。下官吏不
東西。未委若為言叙。幸足下不返。重遣信往
問。願知心素。吾怪足下。忝朝少晚。不審有
何事情。致使如然也。王羲之再拜。前從洛
至此。未及就。彼忝承。願夫子勿悵悵矣。當日
緣明府共飲。遂闕問。願足下莫見責。羲之頓
首。阮生何如此。粗平安。數絕問。為慰。

乙亥春正月御臨鈐寶三乾隆深心託豪素

鑑金藏寶璽石渠寶笈所藏

御臨薛紹彭尺牘一卷

〔本幅〕金粟牋本。縱一寸二分，橫三寸。行書。

臨薛紹彭尺牘。紹彭再拜欲出，得告慰甚，審起居佳安。壺甚佳，然未稱也。芙蓉在從者出，都後得之，未嘗奉呈也。居采若是，長幘即不願看橫卷，即略裁之，幸甚。別有奇觀，無外。紹彭再行伯老太尉方壺附還款。

乙亥中和月御臨鈐寶二。古香太玉。

引首

御筆。神明海岳。鈐寶。乾隆宸翰。

鑒藏寶。璽石渠寶笈所藏。

御臨吳琚尺牘一卷

〔本幅〕金粟牋本。縱一寸九分。橫五寸五分。小行書。

臨吳琚尺牘。比忽忽附書。諒只在下句可到。適中收。十月三日手筆。并詩。深以為慰。示諭已悉。襄州之行。非所憚也。不謂以常式辭免。就降改命。辭難避事。何以自文。不知閱古之意如何。今必有定論矣。十九日入京。西畧交割。

安撫司職事廿日方得改差劄子已具辭免
且在郢州境上伺候回降若省劄更遲數日
則已到襄陽郢去襄只二百餘里江陵亦然
歲晚客裏進退不能勢須等候月十日方見
次第地遠往返動是許時遠宦非便殆此類
也旅中燈下作此言不盡意餘希加愛不宣
十月廿日。琚上壽父判寺簿賢弟款

乙亥春日御臨鈐寶二比德朗潤

引首

御筆寶晉遺規。鈐寶「乾隆御筆」

鑒藏寶璽石渠寶笈所藏



御臨唐太宗帖一卷

本幅金粟牋本。縱一寸九分。橫六寸。行書。

臨唐太宗二帖。使至得所。進枇杷子。良深慰悅。
嘉果珍味。獨冠時新。但川路既遙。無勞更送。
今者梅炎藻夏。麥氣迎秋。香飄蘭坂之風。鏡
轉桂巖之月。為善之暇。想足怡神。延望白雲。
載深離緒。聊疏綠字。此不多申。咨。叔藝韞
多材。慈深善誨。藹夙奉趨庭之訓。早擅臨池。

之工聞其比來復愛飛白昨故戲操翰墨聊
以示諷慙六文之麗則異五際之芳辭忽枉
來書談飾過實顧惟菲迹非敢當仁披誦循
覽祇以增愧故斯表意餘不多云。詔款。

乙亥春月御臨鈐寶二古香太卦

引首

御筆同乎自然鈐寶一乾隆宸翰

鑒藏寶璽石渠寶笈所藏

御臨王羲之帖 一冊

一本幅金粟牋本。三對幅。每幅縱二寸橫一寸。
行書。


臨王羲之六帖。旦夕都邑動靜清和想足下使
還具。時州將桓公告慰情企足下數使命也。
謝無奕外任數書問無他。仁祖日往言尋悲
酸如何可言。五帝以來備有畫。又精妙甚
可觀也。彼有能畫者不欲因摹取當可得。

信具告。往在都見諸葛顓曾具問蜀中事。云成都城池門屋樓觀皆是秦時司馬錯所修。令人遠想慨然。為爾不信。具示。為欲廣異聞。得足下旃。蜀胡桃藥二種。知足下至。戎鹽乃要也。是服食所須。知足下謂須服食方回近之。未許吾此志。知我者希。此有成言。無緣見卿以發一笑。足下所疏云此菓佳。可為致子。當種之。此種彼胡桃皆生也。吾為喜。

種菓今在田里。唯以此為事。故遠及足下。致
此子者大惠也。知彼清晏歲豐。又所告有
無一鄉。故是名處。且山川形勢。乃海。何可以
不遊目。龍保等平安也。謝之甚遲。見卿舅
可耳。至為簡隔也。款。

乙亥春日御臨鈐寶二古香太玉

鑒藏寶璽古希天子八徵耄念之寶石渠寶笈所
藏。



御臨王羲之五帖一冊

本幅金粟牋本八幅每幅縱三寸橫四寸六分草書

臨王羲之五帖 卿與虞休意書有所問足下旨為致誠荅令旨意致米勿忘此意自決今以資嚴知小大疾患念勞心 吾昨得一日一起腹中極調適無所為憂但顧情不可言耳適知十五日問清和為慰復得南後問不

想二庾速至之始興奴長就令人邑邑想無
所至耳還具示問司州供給寥落去無期
也不果者公私之望無理或復是福得大等
書慰心今因書也野數言疏平安定太宰中
郎僕可耳力數字王羲之頓首款

乙亥御臨鈴寶二乾隆

鑒藏寶璽石渠寶笈所藏

御臨王獻之帖 一冊

本幅金粟牋本。六幅縱三寸橫四寸六分。行書。

臨王獻之五帖。得書為慰。吾先夜遂大得服湯酒。諸治漸折。故頃極難勞。知足下便去。不得面別。悵恨深。保愛臨書。增懷。王獻之。元度時往來。以此為慰。興公使適還。數日具都下問人情。所憂良可歎息。諸從數問。齡前來經。

日極為差云。仁祖欲請為軍司。不知行不。
慕容有易賴意耶。益部耆舊傳。今送相催。
驅寫取耳。慎不可過淹留。吾去月從孫家求。
信次。頻下頻亂。反側錫大佳。柳六惠言。錫可。
常餌亦覺有益耳。前告先以陳事。意必是。
更有家信。未知期說見德遠書所致人耶。款。
乙亥御臨鈴寶二。乾隆宸翰幾暇臨池。

鑒藏寶璽石渠寶笈所藏

御筆墨梅一卷

本幅金粟牋本縱一寸五分橫八寸八分水
墨畫折枝梅花款

乙未仲秋月寫於山莊之含青齋鈐寶三大塊
假我以文章會心不遠德克符

引首

御筆 墨池春信 鈐寶一乾隆宸翰

鑒藏寶璽石渠寶笈所藏

御筆墨竹 一卷

本幅金粟牋本縱一寸五分橫八寸八分水
墨畫折枝竹款

乙未仲秋寫於避暑山莊鈐寶三愛竹學心虛
幾暇怡情得佳趣

引首

御筆 筠管生風 鈐寶一乾隆宸翰

鑒藏寶璽石渠寶笈所藏

御臨淳化閣帖武侯傳語一冊


本幅金粟牋本。八幅。縱三寸九分。橫五寸。行書。孤不度德量力。欲俟義於天下。而措術淺短。遂至昌蹶。然至於今日。志猶不息。君謂計將安出。亮曰。董卓已來。豪傑並起。跨州連郡。不可勝數。曹操比於袁紹。則名微而衆寡。故能尅紹以弱為強。今日擁百萬之衆。協挾天子。而今諸侯誠不可與爭鋒也。七月。

二曰獻之曰孫權據有江東以歷三世國險
而民附賢能為用斯可與為援而不可圖也
益州天府之地高祖因之成帝業荊州北據
漢河利達南海西連巴蜀東通吳會此用武
之國而其不能治天所以資將軍將軍既是
帝室之胄信義著於四海成之大國誠難信
也

此三則皆武侯傳中語而閣帖從分為三又以

後一則為大令書。前人辨之詳。異其言時事如
燭照數計。故每愛臨之。鈴寶二至。味寓澹泊。乾
隆宸翰。

鑑藏寶璽石渠寶笈所藏。



御筆烟江雨意 一卷

本幅金粟牋本縱六寸橫二尺水墨畫雨景
山水款

倣米家法於三希堂鈐寶三乾隆宸翰幾暇臨
池叢雲。

引首

御筆 烟江雨意 鈐寶一乾隆宸翰

鑑藏寶璽五福五代堂古稀天子寶八徵耄念之


寶石渠寶笈所藏

御筆曉行即景詩一軸

〔本幅金粟牋本。縱五寸六分橫五寸三分。行書〕

土生香潤畝南東。惜景常教駐玉驄。淡靄依山
雲縷散。一鞭曉日暖通紅。曉行即景之一。御
筆鈐寶二。日監在茲。涵虛朗鑒。

鑑藏寶璽石渠寶笈所藏



御筆隄上絕句 一軸

本幅宣德殘本。縱五寸五分。橫五寸三分。行書。

雪融膏潤麥含含。馭娑春隄鏡影涵。一夜跼蹐
今慰念。况看佳景似江南。隄上絕句之一。御
筆鈐寶二。莊敬日強。朝日輝。

鑑藏寶璽。石渠寶笈所藏。

